



অবিলম্বে প্রকাশের উদ্দেশ্যে: 6/23/2023

গভর্নর ক্যাথি হোকল

ডবস সিদ্ধান্তের বর্ষপূর্তির আগ দিয়ে, গভর্নর হোকল প্রজনন সংক্রান্ত স্বাস্থ্য সেবা পাওয়ার সুযোগ জোরদার করে বিধিমালায় স্বাক্ষর করলেন

*বিধিমালা (S.1066B/A.1709B) নিশ্চিত করে যাতে নিউ ইয়র্কের সেবাদানকারীরা গর্ভপাতের ওষুধ প্রেসক্রাইব করতে পারে এবং যেসব স্টেটে গর্ভপাতের সেবা বেআইনি বা সীমিত সেখানকার রোগীদেরকে টেলিহেলথ সেবার মাধ্যমে প্রজনন সংক্রান্ত স্বাস্থ্য সেবা প্রদান করতে পারে*

*নিউ ইয়র্কে আসা অন্য স্টেটের রোগীদেরকে বাস্তবে গর্ভপাত ও প্রজনন সংক্রান্ত স্বাস্থ্য সেবা প্রদানকারী নিউ ইয়র্কের স্বাস্থ্য সেবা প্রদানকারীদের সুরক্ষার জন্য 2022 সালে গভর্নর হোকল যেই আইন স্বাক্ষর করেছেন তা সম্প্রসারিত করে*

গভর্নর ক্যাথি হোকল আজকে বিধিমালা (S.1066B/A.1709B) কে আইন হিসেবে স্বাক্ষর করেছেন যাতে প্রজনন সংক্রান্ত স্বাস্থ্য সেবা পাওয়ার সুযোগ জোরদার করা যায় এবং টেলিহেলথ সেবার মাধ্যমে গর্ভপাত সেবার প্রয়োজন থাকা রোগী ও ডাক্তারদের সুরক্ষা প্রদান করা যায়। স্টেটের ডাক্তার, চিকিৎসা প্রদানকারী, এবং ফ্যাসিলিটেটরগণ যাতে গর্ভপাত সেবা বেআইনি বা সীমিত করা হয়েছে এমন স্টেটে মামলার ভয় ছাড়া নিউ ইয়র্কের বাইরে রোগীদের টেলিহেলথ সেবা প্রদান করতে পারে তা নিশ্চিত করতে বিধিমালাটি বর্তমান আইনকে সম্প্রসারিত করে।

"আমরা এই দেশে নারী অধিকারের একটি লজ্জাজনক পশ্চাদগতি দেখছি যেহেতু দেশের বিভিন্ন স্টেটে গর্ভপাতের সুযোগ সীমিত করে দেওয়া হয়েছে," **গভর্নর হোকল বলেন।** "নিউ ইয়র্কে আমরা গর্ভপাতকে নিরাপদ, সহজলভ্য, এবং বৈধ রাখা নিশ্চিত করতে প্রতিশ্রুতিবদ্ধ। আইনি বা পেশাদারি প্রতিক্রিয়ার ভীতি ছাড়াই যাতে আমাদের স্বাস্থ্যসেবা প্রদানকারীরা স্টেটের বাইরের রোগীদের টেলিহেলথ সেবা প্রদান করতে পারে তা নিশ্চিত করার মাধ্যমে বিধিমালাটি আরো বেশি নারীকে ওষুধের মাধ্যমে গর্ভপাত করানো এবং প্রজনন সংক্রান্ত সেবার সুযোগ পেতে সাহায্য করবে। এই বিলটির দ্বারা, নিউ ইয়র্ক সীমাবদ্ধকারী গর্ভপাত আইনের বিরুদ্ধে লড়াই অব্যাহত রাখছে এবং আরো বেশি মানুষকে তাদের প্রয়োজনীয় সেবা পাওয়ার সুযোগ প্রদান করছে।"

সীমাবদ্ধ গর্ভপাত আইনের স্টেটের মানুষকে গর্ভপাতের ওষুধ প্রেসক্রাইব করা বা অন্য যেকোনো প্রজনন সংক্রান্ত স্বাস্থ্যসেবা প্রদান করা ডাক্তারদের বিরুদ্ধে মামলা করা হলে সেই ব্যাপারে

সহযোগিতা করা স্টেটের আইন শৃঙ্খলা রক্ষাকারী বাহিনীর জন্য নিষিদ্ধ করার মাধ্যমে বিধিমালা (S.1066B/A.1709B) নিশ্চিত করবে যাতে আরো বেশি নারী প্রজনন সংক্রান্ত স্বাস্থ্যসেবা এবং গর্ভপাত সেবার সুযোগ পায়।এছাড়াও স্টেটের বাইরের রোগীদেরকে এইসব প্রজনন সংক্রান্ত টেলিহেলথ সেবা প্রদান করার জন্য যাতে প্র্যাকটিস করা সেবাদানকারীরা চিকিৎসা সংক্রান্ত অন্যান্য কার্যপদ্ধতি বীমা কোম্পানির দ্বারা পেশাদার শাস্তির শিকার না হয় তা এটি নিশ্চিত করে। নিউ ইয়র্কে আসা অন্য স্টেটের রোগীদেরকে বাস্তবে গর্ভপাত ও প্রজনন সংক্রান্ত স্বাস্থ্য সেবা প্রদানকারী নিউ ইয়র্কের স্বাস্থ্য সেবা প্রদানকারীদের সুরক্ষার জন্য 2022 সালে গভর্নর হোকল যেই আইন [স্বাক্ষর করেছেন](#) তা এই বিধিমালাটি সম্প্রসারিত করে।

**নিউ ইয়র্ক স্টেটের স্বাস্থ্য বিভাগের (New York State Department of Health) কমিশনার ডাঃ জেমস ম্যাকডোনাল্ড বলেন,** "এই বিধিমালাটি চিকিৎসাশাস্ত্র অনুশীলন করার সময় এবং রোগীদের স্বাস্থ্য চাহিদা পূরণ করার সময় স্বাস্থ্য সেবা প্রদানকারীদের সুরক্ষা প্রদান করবে। এই সুরক্ষা হলো কারো চিকিৎসক হওয়ার মৌলিক অংশ। এই ব্যাপারে তার নেতৃত্বের জন্য এবং নিউ ইয়র্কে গর্ভপাতকে নিরাপদ, সহজলভ্য, এবং বৈধ রাখতে সাহায্য করার জন্য সম্ভাব্য সকল কিছু করার জন্য আমি গভর্নর হোকলকে ধন্যবাদ জানাচ্ছি।"

**সংখ্যাগরিষ্ঠ নেতা অ্যান্ড্রিয়া স্টুয়ার্ট-কাজিন্স বলেন,** "আমাদের আশেপাশে নারী অধিকার ধীরে ধীরে কেড়ে নেওয়া হচ্ছে তখন নিউ ইয়র্ক অলস বসে থাকবে না। আশ্রয় সন্ধানীদের জন্য আমাদের স্টেট দীর্ঘদিন ধরে নিরাপদ আশ্রয়স্থল হয়ে আছে এবং আমাদের দেশের নারীদের অতি গুরুত্বপূর্ণ প্রজনন সংক্রান্ত স্বাস্থ্যসেবা প্রদানকারী চিকিৎসকদেরকে শিল্ড অ্যাক্ট (Shield Act) সুরক্ষা প্রদান করে। আমাদের চেম্বারে এই বিধিমালা স্পন্সর করার জন্য, এবং গর্ভপাত অধিকার ভয়ঙ্করভাবে পশ্চাদমুখী করার বিরুদ্ধে লড়াই করার জন্য নিউ ইয়র্ক যাতে সম্ভাব্য সকল কিছু করে তা নিশ্চিত করার জন্য আমি সিনেটর শেলি মায়ারকে ধন্যবাদ জানাতে চাই। রো রায় বদলে দেওয়ার এক বছর পূরণ হতে যাচ্ছে, এই সময় আমি এই বিলটিকে আইন হিসেবে স্বাক্ষর করে এইসব সুরক্ষা নিশ্চিত করতে দ্রুত পদক্ষেপ গ্রহণের জন্য গভর্নর হোকলকেও ধন্যবাদ জানাতে চাই।"

**স্টেটের সিনেটর শেলি মায়ার বলেন,** "গর্ভপাতসহ প্রজননসংক্রান্ত স্বাস্থ্যসেবার অধিকার সুরক্ষিত রাখতে নিউ ইয়র্ক স্টেটের দেশ সেরা ভূমিকার ক্ষেত্রে এটি আরেকটি ঐতিহাসিক মুহূর্ত। আজকে এই বিলটি স্বাক্ষর করার মাধ্যমে গভর্নর হোকল এই ব্যাপারে আরেকবার দেশকে নেতৃত্ব দিচ্ছেন। এই আইনটি নিউ ইয়র্কের লাইসেন্সধারী স্বাস্থ্য সেবা প্রদানকারীদেরকে নিউ ইয়র্কের আইন অনুযায়ী নিউ ইয়র্ক স্টেটের বাইরে বসবাসরত নারীদের ওষুধের মাধ্যমে গর্ভপাতের প্রেক্ষাহিত করে টেলিহেলথ সেবা প্রদান করার অনুমোদন দেয়। সেবাদানকারী, অ্যাডভোকেট, আইনি বিশেষজ্ঞ এবং আইনসভার সহকর্মীদের, বিশেষ করে আমার পার্টনার অ্যাসেম্বলি সদস্য কারিনেস রেয়েস, স্পিকার কার্ল হিস্ট এবং আমার সাহসী সিনেট সংখ্যাগরিষ্ঠ নেতা অ্যান্ড্রিয়া স্টুয়ার্টকাজিন্স, যে এই প্রয়াসের জন্য একটি জাতীয় মডেল তৈরি করেছে, তাদের প্রতি আমার কৃতজ্ঞতা জানাচ্ছি। রো বনাম ওয়েডের রায় বদলে দিয়ে আমাদের থেকে যেই অধিকার চুরি করে নেওয়া হয়েছে তার জন্য আমরা লড়াই করে যাচ্ছি, থামছি না। এই ঐতিহাসিক দিনকে সম্ভব করার জন্য আপনাদের সকলকে ধন্যবাদ।"

**অ্যাসেসম্বলি সদস্য কারিনেস রেয়েস, রেজিস্টার্ড নার্স (Registered Nurse, R.N) বলেন,** "টেলিমেডিসিন ব্যবহার করে গর্ভপাত সেবা প্রদানকারীদের সম্পূর্ণ সুরক্ষাদান করতে আমার বিলটিকে আইন হিসেবে স্বাক্ষর করার জন্য, আমি নিজে একজন চিকিৎসা পেশাদার হিসেবে, গভর্নর হোকলের প্রশংসা করছি। রোগীদের যথাযথ চিকিৎসা প্রদানের ক্ষেত্রে ডাক্তারদের সক্ষমতার অবমূল্যায়ন করা এবং রোগীদের নিজেদের শরীরের উপর তাদের নিয়ন্ত্রণের অবমূল্যায়ন করার জন্য অ্যান্টি-চয়েস অ্যাক্টিভিস্টদের প্রয়াস নিয়ে আমি এখনো গভীরভাবে উদ্বিগ্ন। এইসব অ্যান্টি-চয়েস বিলগুলি রোগীদের স্বাস্থ্য এবং সুস্থতায় স্পষ্টতই নেতিবাচক প্রভাব ফেলে এবং নিউ ইয়র্ক তা সহ্য করতে অস্বীকৃতি জানাচ্ছে।"

**নিউ ইয়র্ক মেডিসিন একাডেমির (New York Academy of Medicine) প্রেসিডেন্ট ডাঃ অ্যান কার্থ বলেন,** "রোগীদের জন্য সেবা পাওয়ার সুযোগের ধারাবাহিকতা নিশ্চিত করতে প্রজনন সংক্রান্ত স্বাস্থ্যসেবা প্রদানকারীদের সুরক্ষা একটি অতি গুরুত্বপূর্ণ ধাপ। গভর্নর হোকল যখন প্রজনন সংক্রান্ত স্বাস্থ্যসেবার সমান সুযোগের ক্ষেত্রে নিউ ইয়র্ক স্টেটের নেতৃত্ব অব্যাহত রাখা নিশ্চিত করছেন, তখন তার প্রয়াস সমর্থন করে ঐতিহাসিক এই মুহূর্তের অংশ হতে পারে আমরা অতি আনন্দিত।"

**ACT অ্যাক্সেসের (ACT Access) সহপ্রতিষ্ঠাতা এবং NYS ফ্যামিলি ফিজিশিয়ান একাডেমির (NYS Academy of Family Physicians) সদস্য ডাঃ লিন্ডা প্রাইন বলেন,** "আমি এবং নিউ ইয়র্কের অন্যান্য স্বাস্থ্য সেবা প্রদানকারীরা যাতে আমার NY চিকিৎসা লাইসেন্স ব্যবহার করে স্টেট লাইনের বাইরেও প্রয়োজন থাকা ব্যক্তিদের ওষুধের মাধ্যমে গর্ভপাত সেবা প্রদান করতে পারে তার জন্য টেলিমেডিসিন শিল্ড আইন স্বাক্ষর করাকে আমি উৎসাহের সাথে প্রশংসা করছি। ল্যান্ডমার্ক এই বিধিমালা স্বাক্ষর করার জন্য আমি গভর্নর হোকলের প্রতি কৃতজ্ঞ, এটি বিলের স্পন্সর সিনেটর মায়ার এবং অ্যাসেসম্বলি সদস্য রেয়েসের সাহস ও মনোবল ছাড়া সম্ভব হতো না। মার্কিন যুক্তরাষ্ট্রজুড়ে গর্ভপাত নিষিদ্ধ করার নিষ্ঠুরতার বিরোধিতা করার জন্য আমার হোম স্টেটের যে মানবতা রয়েছে, তা তারা এই ব্যবস্থার মাধ্যমে এগিয়ে এসে প্রমাণ করেছে বলে আমি অত্যন্ত গর্বিত।"

গর্ভপাতের সুযোগ রক্ষা করতে এবং গর্ভপাত সেবাসন্ধানী সকলের জন্য নিউ ইয়র্কের নিরাপদ আশ্রয় হিসেবে পরিচিতিতে পাকাপোক্ত করতে 2024 অর্থবছরের বাজেটের অংশ হিসেবে গভর্নর হোকল মুখ্য ব্যবস্থা [ঘোষণা করেছেন](#)। নিউ ইয়র্কের গর্ভপাত পাওয়ার সুযোগ বৃদ্ধি করতে বাজেট মেডিকেইড ব্যয়পূরণের হার বৃদ্ধি করে, প্রজনন সংক্রান্ত স্বাস্থ্য সেবাসন্ধানী রোগীদের ডেটার জন্য অতিরিক্ত সুরক্ষা প্রণয়ন, গর্ভপাতের জন্য অফ-লেবেল প্রেসক্রাইব করা হলে ওষুধের মাধ্যমে গর্ভপাতকে বেসরকারি বীমাকারীদের আওতাধীন করা আবশ্যিক করে ব্যবস্থা অন্তর্ভুক্ত করে, এবং গর্ভপাত সেবাদানকারী এবং প্রজনন সংক্রান্ত স্বাস্থ্যসেবার সমর্থনে 100.7 মিলিয়ন মার্কিন ডলার নতুন তহবিল বরাদ্দ করে।

2023 সালের মে মাসে, গভর্নর ফার্মাসিস্টদের ওভার দ্য কাউন্টার গর্ভনিরোধক ওষুধ বিক্রয়ের অনুমতি প্রদান করে বিধিমালায় এবং সেই সাথে নিউ ইয়র্ক স্টেট ইউনিভার্সিটি (State University of New York, SUNY) এবং নিউ ইয়র্ক সিটি ইউনিভার্সিটির (City University of New York, CUNY) ব্যবস্থার সকল সরকারি কলেজ ও ইউনিভার্সিটিতে যাতে ওষুধের মাধ্যমে

গর্ভপাতের সুযোগ থাকে তা নিশ্চিত করে একটি বিলে স্বাক্ষর করেন। 2023 সালের এপ্রিল মাসে, গভর্নর নিউ ইয়র্কে ওষুধের মাধ্যমে গর্ভপাতের সুযোগ সুরক্ষিত রাখতে উল্লেখযোগ্য ব্যবস্থার ঘোষণা করেন।

এর পূর্বে এই বছরে, গভর্নর হোকল [নিউ ইয়র্ক স্টেটের প্রজনন সংক্রান্ত স্বাস্থ্য সুরক্ষা কেন্দ্র কর্মসূচির \(Securing Reproductive Health Centers Program\)](#) মাধ্যমে 1.68 মিলিয়ন মার্কিন ডলার অনুদান মুক্ত করার ঘোষণা দিয়েছেন যা স্টেটব্যাপী প্রজনন সংক্রান্ত স্বাস্থ্য ও গর্ভপাত সেবা পাওয়ার নিরাপদ সুযোগ নিশ্চিত করতে সাহায্য করছে। ডবস সিদ্ধান্তের পরে নিউ ইয়র্কের প্রজনন সংক্রান্ত স্বাস্থ্যসেবা ব্যবস্থাকে বলীয়ান করার জন্য স্টেটব্যাপী সেবাদানকারীদেরকে [35 মিলিয়ন মার্কিন ডলার প্রদান করার](#) 2022 সালের প্রতিশ্রুতির একটি অংশ হলো এই তহবিল।

###

আরো সংবাদ এখানে পাওয়া যাবে: [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্কাইব করুন](#)